



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LESIBILI LOKUNGEZELELA (SAL)

IPHEPHA LOKUTHOMA (P1)

NOVEMBA 2012

IMITLOMELO: 120

ISIKHATHI: Ama-iri ama-2½

Iphepheli linamakhasi ali-14.

YELELA

1. Iphepheli LINEENGABA EZINE: ISIGABA A, B, C kanye nesigaba D.

ISIGABA A: Ukufunda nokuzwisisa	(30)
ISIGABA B: Ukurhunyeza	(10)
ISIGABA C: Ihlelo nokusetjenziswa kwelimi	(60)
ISIGABA D: Zemitlolo	(20)
2. Funda yoke imiyalo onikelwe yona ngokuyelela okukhulu.
3. Phendula YOKE imibuzo.
4. Thoma isigaba ESINYE NESINYE ekhasini ELITJHA.
5. Thalela ngemuva kokuphendula imibuzo yesigaba ngasinye.
6. Tlola iinomboro zemibuzo njengombana zinjalo ephepheni lemibuzo.
7. Tjhiya umuda owodwa ngemva kwaleyo naleyo pendulo.
8. Tlola kuhle nangesandla esibonakalako.
9. Yelela kobana upelede amagama ngendlela ekungiyi bewutlole nemitjho ezwakalako.
10. Niyayeleliswa kobana nisebenzise isikhathi ngendlela elandelako:

ISIGABA A: Imizuzu ema-35
ISIGABA B: Imizuzu ema-15
ISIGABA C: Imizuzu ema-60
ISIGABA D: Imizuzu ema-40

ISIGABA A: UKUFUNDA NOKUZWISISA**UMBUZO 1**

Phendula UMBUZO 1.1 kanye NOMBUSO 1.2.

1.1 Funda indatjana elandelako bese uphendula imibuzo.

UKWELULEKWA NGEENKOLODO

Ngonobangela wokufadalala komnotho kwesikhathi sagadesi, abantu abanengi babhalelwa kubhadela iinkolodo zabo. Abantu abanengi bayethukwa, baziba iinkolodo zabo namkha baboleka imali engezelelweko ukubhadela iinkolodo. Nangabe ubhalelwa kubhadela iinkolodo zakho, ungethukwa, kunesimo leyeleliso zeenkolodo elinikelwako. UmeLuleki ngeenKolodo uzakusiza ngokuthi wenze isabelo sakho seemali bese ukhulumisane nalabo obakolodako ngamano wokubabhadela. Kodwana kufanele uqinisekise bonyana umeLuleki ngeenKolodo ungotloliweko.

UmeLuleki ngeenKolodo mumuntu ozitlolise nomLawuli weenKolodo weNarha. Mumuntu osiza abantu abanemiraro ephathelene neenkolodo. Lokhu kufaka hlangana ukungakghoni ukubhadela iintolimende zakho qobe yinyanga namkha ukufakwa erherhweni lababhalelwa kubhadela iinkolodo. UmeLuleki ngeenKolodo ukhulumisana nabantu obakolodako bese akusize ngokwenza isabelo seemali namano wokubuyisela imali namkha ukubhadela iinkolodo.

AbeLuleki ngeenKolodo abatlolisiweko enarheni bangaba yi-1020. Boke batjhejiwe ukuqinisekisa bonyana benza umsebenzabo ngomukghwa okhambisana nemithetho yomLawuli weenKolodo weNarha. Okufanele ukwazi kukobana ungayokufuna isizo kumeLuleki ngeenKolodo kwaphela lokha nawusele ukhulume nabantu obakolodako bese babhalelwa kukusiza.

UmLawuli weenKolodo weNarha unesikhwama semali ayibekele ngeqadi esetjenziselwa ukubhadela umsebenzi wokuyelelisa ngeenkolodo nakube okulodako urhola imali engaphasi kwama-R2 500 ngenyanga. Buza umeLuleki ngeenKolodo mayelana nalokhu. AbaLuleki ngeenKolodo kufanele babe neentifikedi zokuzitlolisa ezitlolwe amabizwabo nenomboro yokuzitlolisa.

Nangabe awunasiqiniseko sokobana umeLuleki ngeenKolodo uzitlolisile namkha njani, unelungelo lokobana udosele umLawuli weenKolodo weNarha ukuqinisekisa imininingwana kameLuleki weenKolodo. AbeLuleki ngeenKolodo abakavunyelwa bonyana bamukele imali ebuya kuwe ngomnqopho wokobana bayokubhadelela iinkolodo zakho. Ukuze bafumane imali evela kuwe kufanele basebenzise i-Ejensi yokuDlulisa imBhadela. Ngemva kwalokho i-ejensi le izakubhadelela iinkolodo zakho.

[Ibolekwe ku-Vukuzenzele yakaKhukhulamungu 2009]

1.1.1 Tlola izinto EZINTATHU ezenziwa babantu ababhalelwa kubhadela iinkolodo zabo.

(3)

- 1.1.2 Ngubani oyelelisa ngeenkolodo esinazo? (1)
- 1.1.3 Ngimaphi amaqhinga anikelwa ngilo oyelelisa ngeenkolodo? Tlola amaphuzu AMABILI. (2)
- 1.1.4 Tlola KUBILI okufanele kutholakale esitifikedini sakameLuleki ngeenKolodo. (2)
- 1.1.5 Ingabe sisesekhona isidingo sokobana umuntu adlelwe ipahlakhe ngokubhalelwa kubhadela iinkolodo zakhe na? Tlola iphuzu ELILODWA. (2)
- 1.1.6 Khetha ipendulo eyodwa enembako kezilandelako:
Indlela ehle yokulawula iinkolodo:
A Kusebenzisa i-Ejensi yokuDlulisa imBhadela.
B Kusebenzisa umeLuleki weenKolodo.
C Kusebenzisa umLawuli weenKolodo weNarha.
D Kutjela umngani engimthembileko ngeenkolodo zami. (1)
- 1.1.7 Ngaphandle kwamaphuzu atolwe endatjaneni, ingabe ngibaphi abanye abonobangela ababangela abantu bona bazifumane baseenkolodweni? Tlola amaphuzu AMABILI. (4)
- 1.1.8 Qedelela umutjho olandelako ngamagama aseembayaneni.
Isabelo seemali okukhulunywa ngaso endatjaneni kutjiwo ... (isabelo esivela kubaLuleki ngeenKolodo, ibhajedi, isabelo esivela kubaLawuli beenKolodo). (1)
- 1.1.9 Ingabe kuyakghonakala nanyana akukghonakali bona umuntu aphile ngaphandle kweenkolodo? Sekela ipendulwakho ngamaphuzu AMABILI. (4)

1.2 Qala isithombe esilandelako bese uphendula imibuzo.



- 1.2.1 Ingabe bakiyipi indawo abantu abasesithombenaba? (1)
- 1.2.2 Yini eyenza bona umma nobaba lo bamomotheke? (2)
- 1.2.3 Basuke bazokwenzani abantu navane bahlezi njengalaba abasesithombeni? (1)
- 1.2.4 Uyini umphumela wokutatayiswa komntwana ngumma lo? (2)
- 1.2.5 Uba yini umphumela wokuthi umndeni wenze lokhu okusesithombeni? Tlola iphuzu ELILODWA. (2)
- 1.2.6 Ingabe kuqakatheke kangangani bona umntwana akhuliswe babelethi bakhe bobabili? Sekela ipendulwakho ngephuzu ELILODWA. (2)

IMITLOMELO YESIGABA A: 30

ISIGABA B: UKURHUNYEZA**UMBUZO 2****IMIYALO:**

Ngamagama angadluli kwama-50, rhunyeza uveze amaphuzu ali-7 amimongo mayelana nemiphumela emimbi yokungalibaleli.

1. Nombora imitjhwakho kusukela kowoku-1 bekufike kewe-7.
2. Umutjho ngamunye owutlolako awube nomqondo owodwa.
3. Tlola ngelimi elitsengileko ngombana uzokwabelwa imitlomelo emi-3.
4. Sebenzisa amagamakho ngendlela ongakghona ngayo ungabuyeleli utlole okusesirhunyezweni.
5. Tlola inani lamagama owasebenzisileko ekupheleni kwesirhunyezo.

UKUNGALIBALELI

Soke siyakufuna ukulitjalelwa ngombana siphila ephasini lemitjhapho. Soke sakhe soniwa. Nanje kusese khona abasonako. Nawukilobubujamo ufanele ukukhetha bona uyalibalela namkha awa. Umuntu nakakonileko nanyana akuzwise ubuhlungu uyamjezisa ngokungamlibaleli nanyana uyamlibalela?

Nawungalibaleli ulimaza ubudlelwano bakho nabantu otjhidelene nabo. Omunye nomunye uyazifuna iinhlobo, khulukhulu ngeenkhati ezibudisi. Kazi umuntu mumuntu ngabantu. Ukungalibaleli kulimaza wena ongafuni ukulibalela ukudlula lo okonileko ngombana wena uhlala unomthwalo. Nawumbonako ongakamlibaleli wephuka ummoya.

Ukungalibaleli kutjharaganisa indlela umzimba osebenza ngayo. Umzimba udosa budisi ngonobangela weengazi ezingakhambi kuhle. Ukungalibaleli kubanga ukuzinyaza nokungazithembi kangangokuba nanyana abantu bakubuka ngento ehle oyenzileko awusakholwa. Ukuzinyaza kwenza umuntu angarageli phambili nepilo ngombana nenza izinto akabi nesiqiniseko bona uzenza ngefanelo. Nawungalibaleli ugcina unomona ngombana utjheja khulu indlela abantu abakuphatha ngayo. Awusanatjisakalo neyokufuna ilwazi lokobana abantu baphumelela njani. Abantu nabaphumelelako awukghoni nokubathokozisa.

Ukuthula akubi khona emntwini ongalibaleli abanye abantu. Lapha akhona kuhlala kunepikiswano kugcine kumbangele ukungasathintani nabantu ahlale ayedwa. Nawungalibaleli abanye abantu uba sibotjhwa ube sejele ozakhele lona. Omunye umtloli uthi "Ukulibalela kufana nokutjhapulula isibotjhwa ufumane bona isibotjhweeso gade kunguwe". Lokho ofuna abantu bakwenze kuwe nawe akhe ukwenze kibo.

IMITLOMELO YESIGABA B: 10

ISIGABA C: IHLELO NOKUSETJENZISWA KWELIMI**UMBUZO 3**

- 3.1 Tlola imitjho elandelako izwakale kuhle.
- Isib. Inja iluma uMhlamunye.
UMhlamunye ulunywe yinja.
- 3.1.1 USolani **uluma** yinja. (2)
- 3.1.2 Abantwana **bahlaba** mameva (2)
- 3.2 Tlola iinrhunyezo zamagama atlolwe ngokunzima khulu.
- Isib. **UDorhodere** Masombuka ukhuthela.
UDorh. Masombuka ukhuthela.
- 3.2.1 **UMfundisi** we-Baptist ngubaba uMsiza. (2)
- 3.2.2 Nawufuna ukuba ngutitjhere ufanele ufundise, utlole ebhodini, utshwaye iincwadi, **njalonjalo**. (2)
- 3.3 Jamiselela amagama angeembayaneni ngegama linye.
- Isib. UBadanile uyokuthatha ukudla(ngendlini esiphekela kiyo)
UBadanile uyokuthatha ukudla **ngephunyaneni**.
- 3.3.1 UBafunani uyabaleka ngombana ubona (uyise wendodakwakhe.) (2)
- 3.3.2 UMjanyelwa (umntwana wokuthoma) ngakwabo. (2)
- 3.3.3 UBathabile noThenjiwe (bantwana ababelethwe ngesikhathi esisodwa) balanywa nguSolani. (2)
- 3.4 Lungisa amagama angeembayaneni ukuze umutjho uzwakale kuhle.
- Isib. Lethani izambatho zami (-tja).
Lethani izambatho zami ezitja.
- 3.4.1 Ngisela amanzi (-khaza). (2)
- 3.4.2 UBathabile wembethe irogo (-hlophe). (2)
- 3.4.3 USolani ukhamba nomntazana (-mbi). (2)

- 3.5 Buyelela umutjho olandelako kuthi esikhundleni sebizo elitlolwe ngokunzima khulu ujamiselele ngesabizwana.
- Isib. **Imbuzi** idla utjani.
Yona idla utjani.
- 3.5.1 **UThandi** ufunda eNatali. (1)
- 3.5.2 **linkomo** zidle umrorho kamakhelana. (1)
- 3.6 Jamiselela amagama atlolwe ngobunzima khulu ngamagama wobulili obuhlukileko.
- Isib. **Umma** upheke umratha.
Ubaba upheke umratha.
- 3.6.1 Ngibone **isokana** lakwaMahlangu. (1)
- 3.6.2 **Umakoti** wakwaJiyana ufikile. (1)
- 3.7 Buyelela umutjho bese utlola igama elisesibayaneni lizwakale kuhle.
- Isib. Ubaba akasasebenzi uthethe (hlala+phasi).
Ubaba akasebenzi uthethe **umhlalaphasi**.
- I (phuma+ilanga) sifunda esaziwa khulu ngebhoduluko elihle namasiko. (2)
- 3.8 Buyelela utlole umutjho ongenzasi uveze isikhathi esadlula kade.
- UMavula ufunda esikolweni iMakhosana. (1)
- 3.9 Buyelela utlole imitjho engenzasi bese unciphisa amagama atlolwe ngokunzima khulu.
- Isib. UBafunani **mntazana** wakwaMsiza eMadlangeni.
UBafunani **mntazanyana** wakwaMsiza eMadlangeni.
- 3.9.1 Udadwethu uthenge **ikoloyi**. (1)
- 3.9.2 Nawuya koSolani udlula **ihlathi**. (1)
- 3.10 Buyelela utlole umutjho olandelako ngokukhetha isihlanganiso esifaneleko. (nanyana,begodu,ngombana)
- UBadanile ukhambe izolo. Utlola iinhlahlubo zokuphela komnyaka. (2)
- 3.11 Lungisa itheksti elandelako ngokufaka amatshwayo wokutlola afaneleko.
- USenzi wakwamaridili ufunda esikolweni iZakheni. Uyise uthethe unamagobholi osebenza ePitori. (3)

3.12 Fundisisa umutjho ongenzasi bese uphendula umbuzo olandelako.

Amadoda ayayisaba ikerege.

Ingabe umutjho lo **umbono** nanyana **uliqiniso na**? Sekela ipendulwakho. (3)

3.13 Funda itheksti elandelako bese uphendula umbuzo ongenzasi.

Yihlangano enjani eyakha iindlwana zokuphumela ezinganabusithelo. Khethani yami ihlangano ezonakhela iindlwana zokuphumela ezithe tjha.

Ingabe lilimi elinjani elisetjenziswe ethekstini engehla? Ngelokuyenga namtjhana ngelokudlelezela? Sekela ipendulwakho ngephuzu ELILODWA. (3)

3.14 Funda isikhangiso esilandelako bese uphendula imibuzo.

Akunanto enye engingayisebenzisa godu!

UVanessa Sandton

Isebenzise kabili ngelanga uzokubona umkariso mraro! Kungakho abodorhodere abali-9 kwabali-10 baphakamisa i-Sensodyne

Rhaba!




SENSODYNE Total Care

-Itholakala ngama-R20.00 itjhubhana
-Itholakala ngitjho nemakhemisi

- 3.14.1 Ingabe okhangisako ukhangisa ini esikhangisweni esingehla? (1)
- 3.14.2 Tlola imibandela EMIBILI evezwe esikhangisweni. (2)
- 3.14.3 Kubonakala ngani bona okhangisako uyayithemba into ayikhangisako le? (1)
- 3.14.4 Kubayini igama elithi *Sensodyne* litlowe ngamagabhadlhela? (2)
- 3.14.5 Hlathulula bona utjho ukuthini umkhangisi nakathi pheze bodorhodere abali-9 kwabali-10 abasebenzisa i-Sensodyne. (2)
- 3.14.6 Ngombonwakho kubayini umkhangisi akhethe ukutlola igama elithi **Rhaba** phakathi esikhangisweni? (2)

3.15 Qalisisa isithombe esilandelako bese uphendula imibuzo.



- 3.15.1 Ngisiphi isetjenziswa esisebenza khulu ukulayitjha imiqgomu neengubhe kilendawo? (1)
- 3.15.2 Umntazanyana lo usebenzisa ini ukuthela ngeengubheni nemigqomini? (1)
- 3.15.3 Umma ohleziko lo uhlezi phezu kwani? (1)
- 3.15.4 Ucabanga bona okuthelwokokhu kuvela kuphi? (1)
- 3.15.5 Ukusonga izandla komntazanyana ohlanu komma ohleziko lo kutjho ukuthini? (2)
- 3.15.6 Qedelela imitjho elandelako ngamagama afaneleko asembayaneni.
- (a) Abantu bafolise iingubhe ngombana bafuna ... (amanzi, ipetrololi, ipharafeni) (1)
- (b) Into ezokuthuthwa kilendawo iyivela kancani ngombana abantwaba ... (bafolise iingubhe nemigqomu, bayafohlana, bathutha ngeenlori) (1)
- 3.15.7 Nawuqalisisa esithombeni ingabe indawo le isemakhaya nanyana edorobheni? Sekela ipendulwakho ngephuzu ELILODWA. (2)

IMITLOMELO YESIGABA C: 60

ISIGABA D: ZEMITLOLO**TJHEJA:**

- Isigabesi sinemibuzo emibili, UMBUZO 4 kanye NOMBUSO 5.
- Phendula umbuzo OWODWA, UMBUZO 4 nanyana UMBUZO 5.

UMBUZO 4: *UZANGENZANI* – DM Jiyana nabanye**ILIFU ELINZIMA**

Kumalangantambama ilanga likhupha intwala esidlodwaneni sehlanya. UMpotlogwana Thugwana uzibuyela esitokfeleni. Ufumana kulila unombhonge ekhaya. Umndeni woke uye emnyanyeni wequde ngale kwedamu lakoSomfene. Uzizwa ngasuthi ungenwa makhaza. Athathe ingubo alakanise abase nomlilo ahlale phasi othe. "Abantu bazokuthini nabangangifumana ngisotha umlilo kutjhisa kangaka ehlobo. Kubayini ngasuthi ngifuna ukubuyisa, uyazi ngiphakanyelwa ziimbini. Ngidleni? Mhlamunye yinyongo." Atlabhe amathe. Athome ukugonyuluka, ahlanze. "Ngcono ngisele amanzi amanengi ngirhaze mhlamunye nakuyinyongo izakuphuma."

Lithi nalihloma ihloko phasi ufike umndeni. Urareke nawubona uMpotlogwana arhutjhezela ngeengubokazi kufuthumele kangaka?" Kubuze unina:

"Mpotlogwana! Kwenzekani ngeengubo kutjhisa kangaka?"

"Mina angizizwa kuhle ngibalekelwa lilothe begodu nehlokwami isawula ngamandla." Ngaleso sikhathi selathoma ukuhlungezela yedwa.

- 4.1 Begade abuyaphi uMpotlogwana nazakuthonywa kugula? (1)
- 4.2 Umndeni kaMpotlogwana gade uyephi njengobana afumane kunganamuntu nje? (1)
- 4.3 Wafika nini umndeni kaMpotlogwana? (1)
- 4.4 Ngikuphi okwenziwa nguMpotlogwana bona acabange ukuthi uphethwe yinyongo? (2)
- 4.5 Bakhamba ngani ukuya eendaweni ezihlukahlukaneko ngesikhathi bafuna isizo? (1)
- 4.6 Ngimuphi udorhoderi abaya kuye nababona bona uMpotlogwana akabi ngcono? (1)
- 4.7 Wayehlala kuphi udorhodere lo? (1)
- 4.8 Ucabanga bona kwaba yini umphumela emva kobana uNziphozimasasa agabhise uMpotlogwana? Tlola iphuzu ELILODWA. (2)

4.9 Khetha ipendulo eyodwa kezilandelako:

UMangothobana usebenza ukwenzani?

- A Ngudorhodere wesikhuwa.
- B Sisangoma.
- C Mphorofidi.
- D Yinyanga yesintu.

(1)

4.10 Qedelela umutjho olandelako ngegama lomlingisi oseembayaneni.

Umlingisi oyikutana kilendatjana ngu ... (Nziphozimasasa, Nell, Mangothobana, Mpotlogwana)

(1)

4.11 Uvezwe amlingisi onjani uNziphozimasasa? Sekela ihlathululo enyenenye ngephuzu ELILODWA.

(4)

4.12 Sitloleke njani isingeniso sendatjana le? Sekela ipendulwakho ngamaphuzu AMABILI.

(4)

[20]

NOFANA

UMBUZO 5: AYIKHULUNYELWA EZIKO – RN Mahlangu nabanye

Funda isiqetjhana esilandelako bese uphendula imibuzo.

UMUHLWA, ITSIKIZI NOMUNTU

Kwasukasukela!

Kade uZimu watjela zoke iinlwana, iinyoni neenunwana bona zisebenze ngamandla ekubutheloleni ukudla kwazo kwebusika. Ngesikhathi leso umuhlwa netsikizi bekumncamo nerhara. Ezintweni pheze zoke zazibambisana khulu kwamambala iinunwanezi.

Nangambala safika isikhathi sokuthonywa kokuyemayema. Umuhlwa wawunande uvuka kusesempondo zekomo. Uvuse nomnganawo bonyana kuyokuburujwa ukudla emasimini nakwezinye iindawo lapho ukudla kufelwe ngunina. Itsikizi yayiphele ibhalele phasi, idosane neenkumba. Yayithi nasele isizwa bonyana ilanga selikhupha unomdakana ngemgodini ivuke, ikeriyele ezinye iinunwana eyabe izibukela zisebenza yona iphutha imikhono. Lokhu kwabe sele kubulwele bangamalanga. Isikhathi naso saragela phambili njalo.

5.1 Ngiziphi iinunwana ezimbili ebezizwana khulu ngesikhathi uZimu azitjela bona zibuthelole ukudla?

(2)

5.2 Wawuvuka ngasiphi isikhathi umuhlwa?

(1)

5.3 Tlola indawo yinye lapha iinunwana gade ziya khona ukuyokufuna ukudla?

(1)

- 5.4 Ngisiphi isenzo esibudlhadlha ebesenziwa yitsikizi ezinye iinunwana nazisebenzako? (2)
- 5.5 Tlola bube BUBILI ubujamo obubudisi obavelela iinlwana ngesikhathi sebusika. (2)
- 5.6 Yini eyabangela bona umuntu netsikizi balwe. Tlola amaphuzu AMABILI. (4)
- 5.7 Yazivikela njani itsikizi emntwini nasele ayigijimisa afuna ukuyisila? (2)
- 5.8 Uvezwe umlingisi onjani umuhlwa kilenolwana? (2)
- 5.9 Hlathulula isifundo esitholakala kilenolwana? (2)
- 5.10 Ingabe umuntu wayilamula kuhle nanyana kumbi ipi hlangana netsikizi nomuhlwa? Sekela ipendulwakho. (2)

[20]

IMITLOMELO YESIGABA D: 20
INANI LOKE: 120